



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XV

BROJ: 245

DATUM: 20.08.2018.GODINE



Usluge Saveza

PRAVNO SAVJETOVALIŠTE:
Selma Fišek, viši saradnik za pravna
pitanja
fax: + 387 33 552 810
selma@sogfbih.ba

Sadržaj biltena:

Informacije sa Tematske sjednice
Predsjedništva Skupštine Saveza općina
i gradova FBiH

GIZ ORF-EE i Savez općina i gradova
FBiH u Konjicu zajedno organizovali
Obuku na temu Održive urbane
mobilnosti

14. Konferencija evropskih regija i
gradova

Vlada FBiH utvrdila prijedloge zakona
o ustavi novih 7 gradova

Poziv Američke agencije za
međunarodni razvoj (USAID) za dostavu
projektnih prijedloga

Održana 19. sjednica Općinskog vijeća
Vareš

Obilježen 16. august, dan Općine Vareš

Najava obilježavanja dana općina i
gradova za mjesec RUJAN/SEPTEMBAR

Bilten Saveza općina i gradova Federacije Bosne i Hercegovine

INFORMACIJA SA TEMATSKE SJEDNICE PREDSJEDNIŠTVA SKUPŠTINE SAVEZA OPĆINA I GRADOVA FEDERACIJE BOSNE I HERCEGOVINE POSVEĆENE MIGRANTSKOJ KRIZI U BIH

25.07.2018. godine u Hadžićima je održana Tematska sjednica Predsjedništva Skupštine Saveza općina i gradova Federacije Bosne i Hercegovine koja se bavila pitanjima migranata u Bosni i Hercegovini. Sjednici su pored članova Predsjedništva Saveza, prisustvovali i drugi gradonačelnici/načelnici iz Federacije Bosne i Hercegovine.



Sa Tematske sjednice Predsjedništva Saveza
(25.07.2018)

Učesnicima Tematske sjednice su se obratili i

predstavници Grančne policije Bosne i Hercegovine, Ministarstva za ljudska prava i izbjeglice Bosne i Hercegovine, kao i Operativnog štaba za migrante Federacije Bosne i Hercegovine.

Predsjedništvo Saveza je na Tematskoj sjednici posvećenoj migrantskoj krizi u Bosni i Hercegovini usvojilo sljedeće zaključke:

1. Savez općina i gradova Federacije Bosne i Hercegovine izražava protest i zabrinutost zbog dosadašnjeg načina rješavanja migrantske krize u Bosni i Hercegovini;

2. Smatramo da je u ovom momentu potrebno definisati migrantsku krizu u svoj njoj veličini sa određivanjem preciznog broj migranata, područja koju su zahvaćena krizom, vremenskog okvira;

3. Savez općina i gradova Federacije Bosne i Hercegovine poziva Vijeće ministara Bosne i Hercegovine, predstavnike Evropske unije i Koordinaciono tijelo za pitanje migracija u Bosni i Hercegovini da u skladu sa Akcijskom planom donesu konkretne mjere i pristupe njihovoj realizaciji;

4. Zahtijevamo da se predstavnici Saveza općina i gradova Federacije Bosne i Hercegovine, kao zakonskog zastupnika svojih članica, uključe u Koordinaciono tijelo za pitanje migracija u Bosni i Hercegovini.

GIZ ORF-EE i Savez općina i gradova FBiH u Konjicu zajedno organizovali Obuku na temu Održive urbane mobilnosti

Gledajte Savez općina i gradova
Federacije Bosne i Hercegovine na



U okviru saradnje GIZ Otvorenog regionalnog fonda za Jugoistočnu Evropu – Energetska efikasnost (ORF-EE) i Saveza općina i gradova Federacije Bosne i Hercegovine, 19. jula, 2018. godine organizovana je obuka na temu održive urbane mobilnosti u Konjicu, BiH.

Obuka je okupila predstavnike i predstavnice općina/gradova FBiH, koji su upoznati sa konceptom održive urbane mobilnosti (SUM). Učesnici su također stekli uvid u nacrt finalnog dokumenta pod nazivom „SUM Roadmap“, koji pruža uputstva za sprovođenje održive mobilnosti u urbanim sredinama. Dokument je razvijen od strane ORF-EE u saradnji sa partnerima iz Jugoistočne Evrope. Tokom događaja je učesnicima dat izdavan uvid u mogućnosti finansiranja u datoj oblasti.

Obuka u Konjicu je jedna u nizu od obuka koje su održane na ovu temu u prethodna dva mjeseca u zemljama regije, a koje učestvuju u ORF-EE projektu *Održive urbane mobilnosti u državama Jugoistočne Evrope (JIE)*. Obuke u regiji su održane u saradnji sa partnerskim mrežama i cilj im je ojačati kapacitete lokalnih institucija u domenu energetske efikasnosti i zaštite klime.

Uvodni govor u Konjicu je održala Vesna Travljanjin, Direktorica Saveza općina i gradova FBiH, koja je tom prilikom pozdravila sve učesnike i učesnice. Iskoristila je i priliku da naglasi bitnost obuke, naglašavajući integralni i održivi pristup projekta ORF-EE i Planova za održivu urbanu mobilnost za lokalni razvoj.

Dubravka Bošnjak, ORF-EE projektna voditeljica je prilikom obuke izjavila „Naš cilj je privući što veći broj projekata na temu SUM-a u regiji, obzirom da se radi o relativno novoj temi za sve ORF-EE partnerske države JIE. Planiranje održive urbane mobilnosti je suština *Pametnih Gradova (Smart Cities)*, koncepta koji je podstaknut i podržan od strane EU”.

Vesna Kolega, ekspertica iz oblasti energetske efikasnosti SUM-a, ovom prilikom je podsjetila da bi fokus svih država u regiji trebao biti na integralnom pristupu urbanog planiranja.



Sa obuke na temu Održive urbane mobilnosti u Konjicu
(19.07.2018)

14. KONFERENCIJA EVROPSKIH REGIJA I GRADOVA



14. Konferenciju evropskih regija i gradova u okviru austrijskog predsjedništva Vijećem Evropske unije. Konferencija će trajati od 30. septembra/rujna do 2. oktobra/listopada, a održat će se u Salzburg Congress-u. Više informacija se može naći na: www.institut-ire.eu

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

VLADA FBiH UTVRDILA PRIJEDLOGE ZAKONA O USPOSTAVI NOVIH SEDAM GRADOVA

Vlada Federacije BiH je na 151. sjednici održanoj 19. avgusta u Sarajevu, utvrdila i Parlamentu FBiH po skraćenom postupku uputila sedam prijedloga zakona o uspostavi gradova Gračanica, Visoko, Ljubuški, Gradačac, Čapljina, Srebrenik i Živinice, za što su ove općine ispunile uvjete iz člana 5. stav 2. Zakona o principima lokalne samouprave u FBiH. Teritorij novih sedam gradova čine sva naseljena mjesta koja su se, prema evidenciji Federalnog zavoda za statistiku, nalazila u okviru ovih općina na dan stupanja na snagu ovog zakona.



Sa 151. sjednice održane u Sarajevu



Poziv Američke agencije za međunarodni razvoj (USAID) za dostavu projektnih prijedloga

Javni oglas "Projekat razvoja radne snage i većeg pristupa tržištima (WHAM) Američke agencije za međunarodni razvoj (USAID-a)" poziva sve zainteresovane i kvalifikovane organizacije da dostave svoje projektne prijedloge za podršku putem bespovratnih sredstava kako je detaljnije navedeno u nastavku

Datum izdavanja: 18. juli 2018.

Datum zatvaranja: 12. septembar 2018.

Ukupni iznos potencijalnih dodjeljenih sredstava: USD 410.000

Procijenjeni broj dodjeljenih ugovora: 14

Maksimalni iznos po ugovoru: USD 100.000

WHAM je objavio ukupno četiri javna poziva za dostavu projektnih prijedloga za podršku brzo-rastućih, izvozno-orijentisanih i izvozno spremnih malih i srednjih preduzeća iz sektora metala, drveta i/ili tekstila/obuće orijentisanih prema proširenju proizvodnih kapaciteta, dostizanju novih tržišta i otvaranja novih radnih mjesta.

Objavljeni javni pozivi su fokusirani na:

- Razvoj radne snage u metalnom sektoru kroz obuke zavarivača i računarski numerički kontrolnih (CNC) operatera i / ili programera.
- Razvoj radne snage u drvnom sektoru i sektoru tekstila/obuće kroz obuke računarski numerički kontrolnih (CNC) operatera i / ili programera.
- Pristup novim tržištima kroz razvoj radne snage i obuke prodajnog osoblja i stručnjaka za istraživanje tržišta;

Certificiranje kompanija u metalnom sektoru u Bosni i Hercegovini.

Za kompletnu dokumentaciju posjetite web stranicu <http://www.whambih.org/>.

Rok za dostavu koncept nota je 16:00 časova po lokalnom vremenu 12. septembra 2018 godine. Sva eventualna pitanja o procesu i proceduri prijave molimo da pošaljete putem emaila najkasnije do 5. septembra 2018 godine na whamgrants@iesc.org.



Održana 19. sjednica Općinskog vijeća Vareš

30. jula 2018. godine je održana 19. redovna sjednica Općinskog vijeća Vareš. Sjednicom je predsjedavao predsjedavajući Općinskog vijeća Adis Čizmo.

S obzirom da u nedostatku materijala redovna sjednica Općinskog vijeća nije održana u mjesecu junu, prije nego se pristupilo dnevnom redu 19. redovne sjednice OV, općinski načelnik Zdravko Marošević u obraćanju je javnost uputio o redovnim dešavanjima, ispunjavanju obaveza i odgovornosti općinske vlasti prema građanima. Posebna zahvalnica je upućena pripadnicima Oružanih snaga BiH, koji su u proteklom danima zajedno uz pomoć Općine Vareš radili na sanaciji dijelova lokalnih puteva na području općine.

Prijedlog Odluke o usvajanju Platforme za mir 2018-2020.

Na redovnoj sjednici OV, uz Prijedlog Odluke o usvajanju Platforme za mir 2018.-2020. od strane većine usvojen je i Plan aktivnosti za implementaciju Platforme.

Platforma za mir je okvirni i deklarativni dokument, koji ističe mir kao jednu od temeljnih i najvećih vrijednosti Bosne i Hercegovine, njenih naroda i građana. Platforma je namijenjena da posluži kao temelj, ne samo u smislu izgradnje povjerenja i osnaživanja procesa pomirenja među narodima u našoj zemlji, nego kao i okvir za poduzimanje konkretnih aktivnosti za koje se Općina, kao dio lokalne samouprave treba opredijeliti.

Osnovni ciljevi i ishodi obuhvaćeni potpisivanjem Platforme za mir su između ostalog:

- Sveobuhvatno zagovaranje za procese izgradnje mira i pomirenja, te njihovo prihvatanje među svim konstitutivnim i ostalim narodima, građanima i vjerskim zajednicama u BiH;
 - Međusobno povjerenje, razumijevanje i odgovornost u svim društvenim sferama
 - Podizanje svijesti građana i stvaranje kulture dijaloga u kojoj će građani moći saznati za postojanje drugačijih interpretacija društvenih odnosa i odgovornosti, bez štetnih uticaja ili ideologija podjele
 - Dinamičnije i brže uključivanje vlasti u mirovne aktivnosti civilnog društva i nevladinog sektora
- Nakon što je usvojena i na sjednici Općinskog vijeća Platforma će služiti kao podrška ka inicijativi svih općinskih organa, uposlenika, organizacija civilnog društva, medija i građana da provode aktivnosti zasnovane na principima sadržanim u Platformi.

Izvještaj o radu Opće biblioteke Vareš za 2017. godinu

Pomenuti Izvještaj je usvojen uz napomenu da je Opća biblioteka Vareš jedna od najznačajnijih javnih ustanova za građane Vareša, koja uz to sadrži arhivu koja broji preko 30.000 knjiga. Vijećnici uz općinskog načelnika, su se složili da treba istrajati u podršci ka pomenutoj ustanovi, s obzirom da je svaki finansijski i društveni doprinos dobrodošao, imajući u vidu kontinuirane izazove sa kojima se svakodnevno suočava JU Opća biblioteka Vareš.

Prijedlog Programa obilježavanja 16. augusta - Dana općine Vareš

Vijeće je usvojilo i Prijedlog programa obilježavanja 16. augusta - Dana općine Vareš, Program koji će sadržavati Svečanu sjednicu uz osmišljeni program, manifestaciju koja će se održati 16.08.2018. godine sa početkom u 14:00 sati u sali Radničkog doma.



Grb Općine Vareš



Sa 19. sjednice Općinskog vijeća Vareš

Obilježen 16. august Dan Općine Vareš

Dana 16.08.2018. godine obilježen je Dan Općine Vareš. Zajedno uz općinskog načelnika Zdravka Maroševića, predsjedavajućeg OV Adisa Čizme i ministra za prostorno uređenje, promet, komunikacije i zaštitu okoline ZDK Fahrudina Brkića, najprije smo prisustvovali zvaničnom puštanju rasvjete u tunel koji se nalazi na regionalnom putu R-444, prema izletištu Ponikve na području općine Vareš.

U punoj sali obnovljenog Radničkog doma u Varešu, u četvrtak u 14:00 sati prigodnim programom i svečanom sjednicom obilježen je 16. august, datum



Sa obilježavanja Dana Općine Vareš

koji se tradicionalno obilježava kao Dan Općine Vareš. Kroz historiju Vareša ovaj dan se obilježava simbolično kao trenutak otvaranja prve visoke peći u Varešu daleke 1891. godine. Uz brojne zvaničnike, svečanoj ceremoniji obilježavanja su prisustvovali građani, predstavnici javnih ustanova, načelnik Općine Vareš Zdravko Marošević, predsjedavajući Općinskog vijeća Adis Čizmo, te ministri iz Vlade ZDK Fahrudin Čolaković i Fahrudin Brkić.

Svečanu sjednicu Općinskog vijeća Vareš povodom obilježavanja Dana Općine otvorio je predsjedavajući Općinskog vijeća Adis Čizmo. Uputivši čestitke svim građanima Vareša, predsjedavajući je naglasio da će Općinsko vijeće kao predstavničko tijelo svih građana u budućnosti kontinuiranim radom nastojati da usvajanjem odluka rade na ravnopravnosti i dobrobiti svih građana Vareša.

Priliku da istakne doprinos i prisutnima se obrati u ime Vlade ZDK imao je i ministar za prostorno uređenje, promet, komunikacije i zaštitu okoline ZDK gospodin Fahrudin Brkić. "U proteklom periodu iz Vlade Zeničko-dobojskog kantona u početku mog mandata smo iskazali dodatnu pažnju na općinu Vareš, koja se nalazila u jednoj izuzetno teškoj situaciji. Smatram da je Vareš uzimajući u obzir trenutno stanje krenuo jednom uzlaznom putanjom u privrednom, kulturnom i sportskom smislu" - istakao je ministar Brkić.

Uprkos izazovima sa kojima se suočavao grad koji danas broji oko 9000 stanovnika, ministar Vlade ZDK Fahrudin Brkić u obraćanju je naglasio kako ipak vjeruje da Vareš čeka bolja i prosperitetnija budućnost. "U narednom periodu se nadam da će istrajati kontinuirana podrška Vlade ZDK ka općini Vareš i njenom stanovništvu, stanovništvu i ljudima koji svakako cijene omogućenu priliku za razvoj. Grad koji od cjelokupnog stanovništva ima oko 1050 nezaposlenih registrovanih na birou za zapošljavanje i sa minimalnim poticajem u polju privrede je spreman da oživi. Zajedno uz općinskog načelnika radimo na pokušajima da privučemo investitore u Vareš" - bile su riječi ministra Vlade ZDK Fahrudina Brkića.

Načelnik Općine Vareš Zdravko Marošević obratio se sa govornice, te ponovno naglasio ulogu koju ima svaki građanin Vareša ka izgradnji bolje budućnosti i uvjeta za život u svom gradu. "Prije svega želim naglasiti i još jednom se zahvaliti dobitnicima općinskih priznanja za doprinos, promociju i cjelokupan humanitarni rad na području naše općine. Ljudi koji su se odlučili da nastave živjeti u Varešu trebaju biti spremni na zalaganje, odgovornost i rad. Ključan faktor u daljnjem napretku će svakako biti empatija ka sugrađaninu i međusobna saradnja. Na razočarenje mnogih danas je Vareš konačno krenuo uzlaznom putanjom" - istakao je općinski načelnik.

U dijelu programa svečane sjednice predsjedavajući Općinskog vijeća Vareš Adis Čizme je dobio čast da dodijeli priznanja za počasnog građanina općine Vareš i Plaketu sa grbom Općine Vareš. Priznanje počasnog građanina je uručeno gospodinu Mladenu Drijenčiću, Varešaninu koji trenutno živi i radi u Njemačkoj. Istaknutom košarkašu i uvaženom košarkaškom treneru njemačkog prvotligaša EWE Baskets Oldenburg, treneru koji je dao izraziti doprinos promociji Vareša u Evropi u oblasti sporta i sportske kulture. Dok je plaketa sa grbom Općine Vareš uz novčanu nagradu uručena Udruzi građana Majka Terezija Vareš. Udruga koja 20 godina od postojanja na području općine Vareš i šire pomaže populaciju starih, nemoćnih, bolesnih, iznemoglih i siromašnih.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmad.com
www.eacea.ec.europa.eu



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC SEPTEMBAR/RUJAN

- 08. septembar/rujan - Dan Općine Ravno i blagdan Male Gospe, zaštitnice župe
- 08. septembar/rujan - Dan Općine Prozor-Rama i blagdan Male Gospe.
- 10. septembar/rujan - Dan Općine Banovići. Na ovaj dan 1995. godine oslobođena je cjelokupna teritorija općine Banovići.
- 14. septembar/rujan - Dan Općine Donji Vakuf. Tog dana 1995. godine oslobođen je Donji Vakuf.
- 15. septembar/rujan - Dan Općine Zavidovići. Ovaj datum proglašen je za Dan Općine Zavidovići zato što je u periodu od 10. do 15. septembra 1995. godine izvršeno oslobađenje cjelokupne teritorije Općine Zavidovići (područja Vozuća 10. septembra 1995. godine i Blizna 15. septembra 1995. godine).
- 15. septembar/rujan - Dan Općine Ključ. Taj dan se obilježava i kao Dan oslobođenja jer su na taj dan 1995. godine jedinice Armije BiH oslobodile Ključ.
- 17. septembar/rujan - Dan Općine Bosanska Krupa. Navedeni datum predstavlja dan konačnog oslobođenja Bosanske Krupe 1995. godine.
- 18. septembar/rujan - Dan Općine Lukavac. Značaj ovog datuma je u činjenici da je 1995. godine oslobođena cijela teritorija Općine Lukavac.
- 18. septembar/rujan - Dan Općine Goražde. Ovaj datum podsjeća na 18.10.1992. godine, kada su jedinice Armije BiH prvi put oslobodile Goražde od neposrednog okruženja neprijatelja, i zlatnim je slovima upisan u historiju Goražda. Ovaj dan se obilježava i kao Dan BPK-a Goražde.
- 18. septembar/rujan - Dan Općine Maglaj. Toga dana 1408. godine u Povelji ugarskog Kralja Sigismunda „Sub Castro Nostro Maglay“ – „Pod našom tvrđavom Maglaj“ prvi put se u pisanim tragovima spominje ime grada Maglaja.
- 18. septembar/rujan - Dan Općine Kupres. Spomen na dan kada se prvi put spominje Kupres.
- 27. septembar/rujan - Dan Općine Pale u FBiH. Tog dan 1992. godine oslobođena je Hrenovica, najveća mjesna zajednica na prostoru Općine Pale-Prača i oformljeni prvi upravni organi Općine. Taj dan se obilježava i kao Dan otpora za Općinu Pale-Prača.
- 28. septembar/rujan - Dan Općine Livno. Najstariji pisani dokument u kojem se spominje Livno je Povelja kneza Mutimira od 28.09.892. godine kojom se Crkva sv. Jurja daruje splitskom nadbiskupu Petru II, u kojoj se među potpisnicima u listi svjedoka na drugom mjestu nalazi i livanjski župan Želimir. Ovaj datum se danas obilježava kao Dan Općine Livno.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

